

劍

筭

錢氏劔筴敘

閩南曹學佺

古有文事必有武備其道未始分之爲兩也後世學書不成去而學劔觀舞劔器草法遂神則但可目爲英雄故態書奴狂癖耳顧惟文章家徃徃好談劔豈徒以芙蓉之美易襲而蒯緱之病相憐乎夫劔之爲物其取精也多而用物也弘矣天地是一

大冶而鉤金勺水非名山不與焉彼所稱
注星旁斗指日而偃月者脫非精氣之相
屬烏能格也夫合天地山川日月星斗之
物而爲物雖欲不文得乎則又必智者善
取而良工已自心苦而後男女成之珪玉
相之所謂合天地山川日月星斗以成文
者斯爲我有故以劔之道譬諸文章爲
過半矣劔成亦有遇有不遇焉武帝讀子

虛之賦而曰朕獨不得與此人同時哉庖
丁日解十二牛而刃若新發於礪必如是
而後藏者可用用者可藏也今文章家之
說劔如隔河而望牛女焉過屠門而大嚼
耳安可歸咎於術之不利夫荆卿亦豈遂
以術貶俠哉予至吳冶城已爲黃冠羽士
之所栖託又適越溪焉漁父時得一二寸
銅而不能易斗粟今過豫章去豐城不數

舍亦未有紫氣逼人也適解后姑蘇友人
錢簡栖氏於厭原山中以所著劍策二十
七卷投余讀之正若飢渴之於飲食其世
自軒轅而至五代其人自皇帝而至方伎
其書自經傳而至小說罔不漁獵陶鑄以
成一家言夫惟劍之之道爲取精多而用
物弘也者則說劍者又安得以學一先生
之語而沾沾自喜者乎故又以說劍而徵

錢氏之文章亦過半矣或曰劔而系之以
策何也曰自古有以策名戰國者矣劔者
戰之屬也帝王佩之以辟凶邪君子服之
以表德剛有取於扶陽抑陰之義也故曰
國不可以忘戰予又聞之五方之兵而劔
居西今長庚一星耿耿倍昔世方太平安
得有此其抑在錢氏之書乎

劔筴第一卷標目

劔采篇

凡三十六章事

昆臺劔

凡五條

阪泉劔

凡九條

堯祠劔

凡二條

桃氏劔

凡五條

金匱劔

秋劔

千將莫邪二劍凡七條

兎膽劍

扁諸之劍三千

魚腸劍

歐冶子五劍凡六條

昆吾劍凡三條

棠谿劍凡三條

墨陽劍凡二條

鄧師劍

宛馮劍

龍淵劍凡四條

飛揚劍

龍亭劍

大梁氏劍

徐夫人七首劍凡五條

尚方劍

媯羌劍

粟特劍

匈奴劍

波斯劍

婆利劍

琉球劍

藥水劍

扶風劍

火林劔

鐸銷劔凡二條

浪劔

急就章劔

西劔

劔號疥癆賔

劔筌

卷一
目

解采

三

翠帽
三十三

劔策第一

鬲胃錄希言譌輯

雲間馮時可訂正

晉安陳訔謨授錄

劔采篇

此篇雜舉劔事詳其所錄始及所出地而因紀古之善鑄劔者其人

寥寥固不多見也至于歷代帝王鑄劔年代名字又別著守府篇中

策曰龜鱗之鍔金齊所成然非鎔范磨

礱則寒星秋水之光不發而剗犀斷蛟

之利弗見也夫士詘于不知見而信于

知已豈偶然歟孔子三朝記云人生有

劔策

卷一

劔采

早經堂

喜怒故兵之作與民俱生蚩尤庶人之
貪者也何器之能作斯則劔不載于蚩
尤章矣有亡覺夢之葉旣莫得而測其
傳昆臺阪泉遂偃草昧迨周官法備而
後代因之抑何函冶氏之多哉碎諸叢
出土鼓籥生鳥跡不腆姑熊夷有干莫
竝棲亦足豪也詩曰有匪君子如金如
錫又曰維予小子未堪家多難筴劓采

昆臺劔

黃帝卽位十有五年喜天下之戴已乃養
正命娛耳目昏然五情爽惑於是放萬機
舍宮寢而肆志于昆臺方明執輿昌寓參
乘張若諂朋前馬昆閭滑稽後車風后柏
常從負書劔發軔紫宮之中涉洄沙而屆
陰浦陟王屋而受丹經登空桐而問廣成
封東山而奉中華君筴大面而禮甯生入

金谷而咨涓子心訪大恢于具茨卽神牧
於相成陞鴻隄受神芝于黃蓋遂益羣神
大明之虛而投玉策于鍾陰自是愛民而
不戰四帝共起而謀之

各以方色青赤白黑爲號起四方而

僭亂者若蚩尤爲赤帝朱宣爲白帝之類故有赤帝城白帝城說者以少昊之徒當之非也蓋自後代邊城日警介冑不釋帝乃焦然

歎曰朕之過淫矣君危于上者民不安于下主失其國者其臣再嫁厥病之繇非養

寂邪今處民萌之上而四盜起迭震于師
何以哉乃正四軍卽塋壘滅四帝而有天

下路史

軒轅出自有熊之國母曰昊樞以戊巳之
日生故以土德稱王也時有黃星之祥考
定曆紀始造書契服冕垂衣故有袞龍之
頌變乘桴以造舟楫水物爲之祥踴滄海
爲之恬波泛河沈璧有澤馬羣鳴山車滿

野吹玉律正璇衡置四史以主圖籍使九
行之士以統萬國九行者孝慈文信言忠
恭勇義以觀天地以祠萬靈亦爲九德之
臣薰風至真人集乃歆世于昆臺之上留
其冠劔珮躬焉昆臺者鼎湖之極峻處也
立館于其下帝乘雲龍而遊殊鄉絕域至
今望而祭焉帝以神金鑄器皆銘題及昇
遐後羣臣觀其銘皆上古之字多磨滅缺

落凡所造建成刊記其年時辭跡皆質詔
使百辟群臣受德教者先列珪玉於蘭蒲
席上燃沉榆之香春雜寶爲屑以沉榆之
膠和之爲泥以塗地分別尊卑華戎之位
也

封禪記

帝使風后負書常伯荷劔日遊洹流夕歸
陰浦行萬里而一息洹流如沙塵足踐則
陷其深難測大風吹沙如霧中多神龍魚

鼈皆能飛翔有石藻青色堅而甚輕從風靡靡覆其波上一莖百葉千年一花其地一名沙瀾言沙湧起而成波瀾也仙人甯封食飛魚而死二百年更生故甯先生遊沙海七言頌云青藻灼爍千載舒百齡暫死餌飛魚則此花此魚也

晉王于年拾遺記

軒轅之時被農氏世衰諸侯相侵伐暴虐百姓而被農氏弗能征于是軒轅乃習用

千戈以征不享諸侯咸來賓從而蚩尤最
爲暴莫能伐炎帝欲侵陵諸侯諸侯咸歸
軒轅軒轅乃修德振兵治五氣藝五種撫
萬民度四方教熊羆貔貅驅虎以與炎帝
戰于阪泉之野三戰然後得其志蚩尤作
亂不用帝命於是黃帝乃徵師諸侯與蚩
尤戰于涿鹿之野遂禽殺蚩尤

史記

帝以巳酉歲立承神農之後火生土帝以

土德稱王天下號黃帝位居中央臨制四方帝破山通道未嘗寧居令風后負壽書伯常荷劍日出流沙夕歸陰浦行萬里而一息反涿鹿之阿帝又試百神而朝之帝問風后予欲知河所泄對曰河凡有五皆始於崑崙之墟黃河于崑崙山東南脚下即其一也

宋張君房雲笈七籤

阪泉劍

阪泉氏蚩尤姜姓炎帝之裔也兄弟八十
人蚩尤疏首虎捲八肱八止好兵而喜亂
隳黨崇讎昏欲亡厭惟作五虐之刑延于

平民罔不斂賊鴟義姦宄效攘矯虔

統音尤性

酷毒作五虐刑謂車裂燒
剗柱使抱及公之之類

發葛盧雖狐之

金啓九冶作兵刑劔揆劔揆作而歲之諸

侯相兼者三十一

世本蚩尤作五兵戈矛
戟齒矛夷矛黃帝誅之

涿鹿之野而三朝記
呂氏春秋說各不同

帝榆岡立諸侯攜貳

胥伐虐弱乃分正二卿命蚩尤宇于小顛

以臨西方

周書作四方

司百工不能馭蚩尤產

亂出羊水登九淖

上黨平頭山水

以伐空桑逐帝

而居于濁鹿興封禪號炎帝乃驅罔兩興

雲霧祈風雨以肆志于諸侯

明羅泌路史

黃帝問于伯高曰吾欲陶天下而以爲一

家爲之有道乎伯高對曰請刈其莞而樹

之吾謹逃其爪牙則天下可陶而爲一家

黃帝曰此言可得聞乎伯高對曰上有丹砂者下有黃金上有慈石者下有銅金上有陵石者下有鉛錫赤銅上有赭者下有鍤此山之見榮者也苟山之見其榮君謹封而祭之距封十里而爲一壇是則使乘者下行行者趨若犯令者罪死不赦然後析取之爲劔鎧戈戟修教十年而葛盧之山發而出水金從之蚩尤受而制之以爲

劍鎧矛戟是歲相兼者諸侯九雍狐之山
發而出水金從之蚩尤受而制之以爲雍
狐之戟與芮戈焉是歲相兼者諸侯十二
故天下之君頃戟一怒伏尸滿野

管子

謹按山海經天下名山五千二百七十
出銅之山四百六十七出鐵之山三千

六百
九十

武不止者亡管阪泉氏用兵無已誅戰不
休并兼無親文無所立智士寒心

無親謂
并兼之

也無文德故智士寒心也徙居至于獨鹿諸侯畔之阪

泉以亾

汲冢周書

黃帝攝政前有蚩尤兄弟八十一人竝獸
身人語銅頭鋏額食砂石子造立兵仗刀
戟大弩威震天下誅殺無道不仁不慈萬
民欲令黃帝行天子事黃帝仁義不能禁
蚩尤遂不敵黃帝乃仰天而歎天遣玄女
授黃帝兵法符制以服蚩尤

史記

黃帝攝政有蚩尤兄弟八十一人並獸身
人語銅鑊額食砂石造五兵刀戟大弩威
振天下誅殺無道不仁不慈萬民欲黃帝
行天子事黃帝以仁義不能禁止蚩尤仰
天而歎天遣玄女下授黃帝兵符伏蚩尤
以制八方蚩尤歿後天下復擾亂不寧黃
帝遂畫蚩尤形象以威天下天下咸謂蚩
尤不死八方皆爲弭伏

龍魚
河圖

軒轅之初立也有蚩尤氏兄弟七十二人
銅頭鐵額食鍊石能作雲霧俗云人身牛
蹄四目六手耳鬚如劔戟軒轅誅之于涿
鹿冀州人掘地得髑髏如銅鍊者蚩尤之
骨也其齒長二寸堅不可碎

梁任昉
述異記

黃帝有天下之二十有二年忽有蚩尤氏
不恭帝命諸侯中彊暴者也兄弟八十人
並獸身人語銅頭鍊額不食五穀啗沙吞

石

蚩尤始作鎧甲堯年時人不識謂是銅頭鉄額唐李白曰南人兵士見北地人

所食麥飯糗糧不識謂之啗沙吞石

不用帝命作五虐之刑

以害黎庶于葛盧山發金作冶制爲鎧甲及劔造立兵仗刀戟大弩等威震天下

張君

房雲笈
七籤

黃帝斬蚩尤冢在高平壽昌縣高七丈時久常十月祠之有赤氣如匹絳時人謂之

蚩尤旗

獨異志

蚩尤冢在東郡壽張縣闕鄉城中高七尺
常十月祠之有赤炁出如絳名爲蚩尤旗
山陽鉅澤縣有肩髀冢黃帝殺蚩尤身首
異處故別葬亦二冢也

並出
皇覽

唐皮日休原兵論管子說蚩尤割廬山
之金以鑄五兵說者或云蚩尤古天子
則炎黃繼命其間無蚩尤之運也按史
記曰蚩尤與其大夫作亂如此爲庶人

之暴者且庶人不當有大夫日休以爲
蚩尤乃黃帝之諸侯蓋其爲人暴黃帝
征而滅之如此爲庶人一夫之暴不足
當天子用兵也又明矣嗚呼昭然之理
前賢惜之况大聖人之深旨哉 原祭
論說者以蚩尤爲五兵每有師祭當祭
蚩尤嘻厥亂甚矣皮子直以蚩尤爲黃
帝逆亂之臣五兵直作于炎帝固始苟

自蚩尤始以其亂逆且不當祀果不自
蚩尤蚩尤不道黃帝滅之又不當以不
道克祀軒轅五帝之首能以武定亂以
德被後今之師祭宜以軒轅爲主炎帝
配之於義爲允

堯祠劔

白馬津西南五十里曰堯祠袞龍騰文劔
珮有光德音不遐精魄如在然而祠廟僻

遠藻薦亦稀荒榛不除茂草斯鞠司空隴
西公卽戎之二歲勤恤人隱期于俗阜於
是飾粉壁張羅帷藥櫺四周丹紺交輝肅

肅靜密神之所依

唐白敏中滑州堯祠記

廣固城北三里有堯山祠堯因巡狩登此
山後人遂以名山廟在山之左麓廟像東
面華宇修整帝圖嚴飾軒冕之容穆然山
頂舊有上祠今也毀廢無復遺式盤石上

尚有人馬之跡徒黃石而已惟刀劍之蹤
逼真矣至于燕鋒代鏑魏缺齊銘與今劍
莫殊以密模寫知人功所制矣

魏鄴道元
水經注

桃氏劍

周官桃氏爲劍廣臈二寸有半寸

臈謂兩
刀音獵

兩從半之

謂劍脊兩頭
殺趣鄂者也

以其臈廣爲之莖

圍長倍之

莖謂劍夾人所握鐔以上也鄭
玄謂莖在夾中莖長五寸也

參分其臈廣去一以爲首廣而圍之身長

五其莖長重九銜

銜音刷一音劣鏃也中其莖謂穿之也疏云穿

之謂穿劍夾內莖于中故云中其莖又滿也

謂之上制上士服

之身長四其莖長重七銜謂之中制中士服之身長三其莖長重五銜謂之下制下

士服之

上制長三尺重三斤十二兩中制長二尺五寸重二斤十四兩三分

兩分下制長二尺重二斤一上三分兩之一此今之七首也各以其形貌大小帶之此兩謂國勇力之士能用五兵者也樂記武士克商禘冕縉笏而虎賁之士說劍也

周禮考
工記

劔刃也削鞞也劓劓曲刀

鞞布陌劓居綺劓居衛反說文

七首劔屬其頭類七故曰七首短而使用

通俗文

七首短劔也長一尺八寸頭類七故曰七

首

鹽鐵論

劔檢也所以防檢非常也又其在身拱時
斂在臂內也其傍鼻曰鐔鋒尋也帶所貫
尋也其末曰鋒鋒末之言也

釋名

劍筴

卷一

劔末

十三

翠惺草堂

劍削自河而非燕趙之間謂之室自關而

東或謂之廓謂之削自關而西謂之鞞

鞞方

如反

方言

袂

扶

褱

饒

裨

陳律

劍衣也

拾室

鄣

劍削也

劍

珥

謂鐔

淫

鞞

布鞞

鞞

逝之舌之

刀削也

廣雅

鞞

鞞

鞞

鞞

鞞

謹按班固漢書王莽避火坐宣室前殿持虞帝七首是則七首之制舜時有之矣然兵器多出于黃帝蚩尤非亦其時所製歟其曰桃氏者劍以止暴桃以辟不祥則官命名之義或乖諸此

金匱劔

劔之書曰常以服兵而行道德行則福廢

則覆

太公金匱

秋劔

秋爲牡軍劔爲前行

太公金匱

干將莫邪二劔

闔閭元年始任賢使能施恩行惠以仁義
聞于諸侯仁未施恩未行恐國人不就諸

侯不信乃舉伍子胥爲行人以客禮事之而與謀國政城郭以成倉庫以具闔閭復使子胥屈蓋餘燭傭習術戰騎射御之巧未有所用請于將鑄作名劍二枚于將者笑人也與歐冶子同師俱能爲劍越前來獻三枚闔閭得而珎之以故使劍匠作爲二枚一曰于將二曰莫邪莫邪于將之妻也于將作劍采五山之鍊精六合之金英

候天伺地陰陽同光百神臨觀天氣下降而金錢之精不銷淪流于是干將不知其由莫邪曰子以善爲劍聞于王使子作劍三月不成其有意乎干將曰吾不知其理也莫邪曰夫神物之化須人而成今夫子作劍得無待其人而後成乎干將曰昔吾師作冶金鍊之類不銷夫妻俱入冶爐中然後成物至今後世即山作冶麻經茲服

然後敢鑄金于山今吾作劍不變化者其
若斯耶莫邪曰師知爍身以成物吾何難
哉于是干將妻乃斷髮翦爪投于爐中使
童女童男三百人鼓橐裝炭金鍬刀濡遂
以成劍陽曰干將陰曰莫邪陽作龜文陰
作漫理干將匿其陽出其陰而獻之闔閭

甚重

吳越春秋

風胡子因吳請干將歐冶子作干將陽龍

文莫邪陰漫理此二劍吳王使干將作莫

邪干將妻也

夫妻甚喜作劍也
晉張華博物志

吳王造劍二陽曰干將陰曰莫邪莫邪其

妻名

南齊王僧虔
吳郡地理志

匠門又名干將門東南水陸二路今陸路
廢出海道通大萊泔松江下滬瀆闔閭使
干將干此鑄劍林五山之精合五金之英
使童女三百人祭爐神鼓橐金銀不銷鐵

劍錄

卷一

列采

七

翠嶺草堂

卷之三十一 二 二十六三

汁不下其妻莫邪曰鍊汁不下□有計于

將曰先師歐冶鑄劍之穎不銷親鑠耳以

□□成物□□可女人聘鑪神當得之莫

邪聞語□入鑪中鐵汁出遂成二劍雄號

于將作龜文雌號莫邪鰻文餘鑄得三千

並號□□文劍于將進雄劍于吳王而藏

雌劍時時悲鳴憶其雄也唐陸廣微吳地記

千里廬墟者闔廬以鑄于將劍歐冶童女

三百人去縣二里南達江

越絕書

莫邪山長老傳云古者於此山鑄莫邪劍

因爲山名

壽春圖經

雲濛山合流于金塘源出縣西莫邪山是

也

漢陸賈南中行記

柳州上林縣亦有鎮鄒山嘗有樵者入山

得古劍

宋樂史太平寰宇記

北齊綦毋懷文以道術事齊神武懷文造

宿鍊刀其法燒生鐵精以重柔鋌數宿則成剛以柔鐵爲刀脊浴以五牲之溺淬以五牲之脂斬甲過三十札今襄國冶家所鑄宿柔鋌是其遺法作刀猶甚快利但不能頓截三十札也懷文又云廣平郡南幹子城是干將鑄劍處其土可坐刀

北齊書

鄭之刀宋之斤魯之削吳越之劍遷乎其

地而弗能爲良地氣然也

考工記

賈誼弔屈原篇莫邪爲鈍鉛刀爲銛

梁吳均吳城賦古樹荒煙幾千百年云

是吳王所築越王所遷東有鑄劍殘水

西有舞雀故壑

謹按圖經華亭縣南有北干山春申浦北有築鄒廟至今存焉姑蘇城中又有干將里虞山之南又有鑄城皆其古蹟也而建業一名冶城乃知鑄劍之所非一處矣又吳地續紀干將莫邪墓在將門外郡中鑄工多取墓旁土以治刀斧

兔膽劍

昆吾山有獸大如兔毛色如金食土下之
丹石深穴地以爲窟亦食銅鐵膽腎皆如
鍤其雌者色白如銀昔吳國武庫之中兵
刃鍤器俱被盡食而封署依然王令檢其
庫穴獵得雙兔一白一黃殺之開其腹而
有鍤膽腎方知兵刃之鍤爲兔所食王乃
召其劔工令鑄其膽腎以爲劔一雌一雄
號于將者雄鎮鄒者雌其劔可以切玉斷

犀王深珽之遂霸其國

王子年拾遺記

昆吾山有獸如兔食銅鍊膽腎能如鐵吳國武庫兵刃俱盡而封署如故得雙兔殺之有鍊腎方知兵刃爲食乃鑄腎爲二劍雄爲干將雌爲鑢鄣

玉淵記

扁諸之劍三千

闔閭旣鑄成干將莫邪二劍餘鑄得三千

並號扁諸之劍

皇覽

魚腸劍

闔廬冢在閭門外名虎丘下池廣六十步
水深丈五尺銅槨三重墳池六尺玉鳧之
流扁諸之劍三千方圓之口三千時耗魚
腸之劍在焉千萬人築治之取土臨湖口
築三日而白虎居上故號虎丘

吳地記

謹按國朝雁山季公爲水部郎董夏
鎮河工濬河獲魚腸劍一把其劍柔可
繞腰數匝如帶圍然翁中丞得之近余
也徐司空仲孫亦藏有繞指柔劍疑郎

古魚
腸矣

歐冶子五劍

越王元常

左傳史記俱作允常

使歐冶子造劍五枚

大刑三小刑二一曰湛盧二曰純鈞三曰

勝邪

一名盤郢亦曰蒙曹

四曰魚腸五曰巨闕當造

此劍之時赤堇之山破而出錫若邪之溪

涸而出銅雨師洒掃雷公擊橐蛟龍捧鑪

天帝襄炭太一下觀天精下之歐冶子乃

因天之精神悉其伎巧

吳越春秋

琓劍名純鈎湛盧豪曹魚腸巨闕五劍皆
歐冶子所作龍泉太阿上市三劍皆楚王
者

博物志

吳既滅越棲勾踐于會稽之上地方千里
勾踐得范蠡之謀乃示民以耕桑延四方
之士作臺于外而館賢士今會稽山有越
王臺又有越王鑄劍洲

述異記

若邪谿吳越春秋所謂歐冶涸以成五劍
谿水上承嵯峴麻谿谿之下孤潭周數畝
甚清深有孤石臨潭垂崖俯視猿狖驚心
寒木被潭森沈駭觀上有一櫟樹謝靈運
與從弟惠連常游之作連句題刻樹側麻
潭下注若邪谿水至清照衆山倒影窺之

如畫

注水經

銅牛山山有銅穴三十許丈穴中有大樹

神廟山上有冶官山北湖下有練塘里吳
越春秋云句踐鍊冶銅錫之處采炭于南
山故其間有炭瀆句踐臣吳王賜句踐於
越百里之地東至炭瀆是也

水經注

漢孫卿劔銘天生五材金德惟劉從革
庚辛含景吐商辨物利用勛伐彌彰暨
彼良工歐冶干將爰造珽劔巨闕塞陽
上通皓靈獲茲休祥剖山竭川虹霓消

亡曜威曜武震勛遐荒楚以定伯越以
取疆
梁江淹橫吹賦鄞山錫刃邪谿
銅鋒皆陸斷犀象水斬蛟龍
唐李嶠

珽劍篇吳山開越谿澗三舍合冶成珽
鏘淬綠水鑿紅雲五采睽起光氛氳背
上銘爲萬年字胸前點作七星文龜甲
參差白虹色鹿盧宛轉黃金飾駭犀中
斷寧方利駿馬群驅未擬直風霜凜凜

匣上清精氣遙遙斗間明避火朝穿晉
帝屋逃難夜入楚王城

謹按建康志溧陽縣南八十里石屋山西有鑄劍坑在焉相傳吳王使歐冶子鑄劍于此又按山東青州南有冶原山水幽絕亦傳是歐冶子鑄劍之地冶吳人豈亦嘗聘于齊耶

昆吾劍

昆吾山其下多赤金色如火昔黃帝伐蚩尤陳兵于此地掘深百丈猶未及泉惟見

火光如星地中多丹鍊石爲銅銅色青而
利泉色赤山艸木皆劔利土亦鋼而精至
越王勾踐使工人以白馬白牛祠昆吾之
神采金鑄之以成八劔之精

晉王十年
拾遺記

流洲在西海中地方三千里去東岸十九
萬里上多山川積石名爲昆吾冶其石成
鍊作劔光明洞照如水精狀割玉物如割

泥亦饒仙家

漢東方朔
十洲記

流淵在西河中地方萬三千里去東岍十
九萬里上有名山積石爲崑吾冶其石成
鍊作劍光明洞照如水精可以割玉

龍魚
河圖

梁吳均詠珪劍詩我有一珪劍出自崑

吾溪照人如照水切玉如切泥鏗邊霜
凜凜匣上風淒淒寄語張公子何當來
見攜

棠紫劍

韓卒之劍出于棠谿

戰國策

汝南郡吳房縣有棠谿之亭

劉昭郡國志

蔡州有冶爐城韓國鑄造之地

王存九域志

楚辭執棠谿以拂蓬乘干將以割肉

魏陳琳武庫賦其刃也則楚金越冶棠

谿名工清堅皓鏗修刺銳鋒陸昭茲犀

水截輕鴻

墨陽劍

劍筭

卷一

新平

古

早耀卓堂
三皇

袂

扶 襜

饒 衽

陳律 劍衣也

拾室

鄣

劍削也

劍

珥謂鐔

注

鞞

布 斬

逝之舌之

刀削也

龍淵太

阿干將 鑊 鈇 莫門 斷蛇魚腸 醇鈎 燕支 蔡

倫 屬鹿干 隊棠 谿墨 陽鉅 闕辟 閭劍也

廣雅

鄧師劍

鄧國有工善鑄劍因名鄧師

龍魚河圖

宛馮劍

滎陽有馮池宛人干馮池鑄劍故號宛馮

梁殷芸

小說

龍淵劍

一名龍泉

漢武帝元光三年河水決濮陽汜郡十六
發卒十萬救決河起龍淵宮孟康曰在西
平界其水可用淬刀劍特堅利古龍淵之
劍取於此

齊王僧虔地理志

汝南西平縣有龍淵水可用淬刀劍故劍

名龍泉楚之珪劍也

晉太康地記

川卷

卷一

劍采

三

翠幃草堂

晉太康地理志縣有龍泉水可以砥礪刀
劍爲楚珪也縣出名金古有鐵官

水經注

唐郭元振古劍歌君不見昆吾鐵冶飛
炎烟紅光紫氣俱赫然良工鍛鍊經幾
年鑄得珪劍名龍泉龍泉顏色如霜雪
良工咨嗟歎奇絕琉璃匣裏吐蓮花錯
鏤金環映明月正逢天下無風塵幸得
周防君子身精光黯黯青蚬色文章片

斤綠龜鱗非直結交遊俠子亦嘗親近
英雄人何嫌中路遭棄捐零落漂淪古
獄邊雖復沉埋無所用猶能夜夜氣衝
天

飛揚劍

劍名飛揚

一出龍魚河圖
又見呂氏春秋

謹按飛揚劍者蓋即取萍燭對楚
王問中四駕上飛揚之意云爾

龍亭劍

劍筴

卷一

劍采

三

翠帳堂
三百六

龍亭之劍至今擅名天下

漢崔寔
政論

大梁氏劍

周梁伯之居也梁伯好土功大其城號曰
新里民疲而潰秦遂取焉後魏王自安邑
徙都之故曰梁耳竹書紀年梁惠成王六
年四年甲寅徙都於大梁是也秦滅魏以
爲縣漢文帝封孝王於梁孝王於土地下
隰東都睢陽又改曰梁自是置縣魯溝南

際富城東南八百尺陂即古之逢澤也徐
廣史記音義曰秦孝公會諸侯於逢澤陂
陂汲郡墓竹書紀年作逢澤斯其處也故
應德璉西征賦曰鸞衡東指珥節逢澤其
水東北流爲新溝新溝又東北流逕牛首
鄉北謂之牛建城又東北注梁即沙水也
音蔡許填正作沙音言水散石也從水少
水沙見矣楚東有沙水謂此水也無它也

皆變名矣其國多池沼時池中出神劍到
今其民像而作之號大梁氏之劍

水經注

徐夫人匕首劍

會燕太子丹質秦王歸燕燕太子丹者故
嘗質于趙而秦王政生于趙其少時與丹
驩及政立爲秦王而丹質于秦秦王之遇
燕太子丹不善故丹怨而忘歸歸而求爲
報秦王者國小力不能其後秦日出兵山

東以伐齊楚楚晉稍蠶食諸侯且至於燕
燕君臣皆恐禍之至太子丹患之於是尊
荆卿爲上卿舍上舍太子日造門下供太
牢具異物間進車騎美女恣荆卿所欲以
順適其意乃遂盛樊於期首函封之于是
太子豫求天下之利七首得趙人徐夫人
七首徐姓夫人名謂男子也取之百金使工以藥淬
之淬謂以毒藥也以試人血濡縷無不立死

者

言以七首試人人血出足以沾濡絳縷便立死也

乃裴爲遣荆

卿燕國有勇士秦舞陽年十三殺人不敢忤視乃令秦舞陽爲副荆軻有所待欲與俱其人居遠未來而爲治行頃之未發太子遲之疑其改悔乃復請曰日已盡矣荆軻豈有意哉丹請得先遣秦舞陽荆軻怒叱太子曰何太子之遣往而不反者豎子也且提一匕首入不測之彊秦僕所以

留者待吾客與俱今太子遲之請辭決矣
遂發太子及賓客知其事者皆白衣冠以
送之至易水之上既祖取道高漸離擊筑
荆軻和而爲變徵之聲士皆垂淚涕泣又
前而爲歌曰風蕭蕭兮易水寒壯士一去
兮不復還復爲羽聲愴士皆瞑目髮盡
上指冠於是荆軻就車而去終已不顧遂

至秦

史記

魏文帝典論昔周魯珪鹿狐之戟屈盧
之矛狝豸之戈徐氏七首凡斯皆上世
名器君子雖有文章必有武備矣

晉

張載七首銘先民造制戒豫惟謹七首
之設應速周近既不忽備亦慙輕忿利
以形彰功以道隱

唐李白詩袖中趙

七首買自徐夫人玉匣開霜雪經燕復
歷秦其事竟不捷淪落歸沙塵

尚方劍

漢尚方令六百石掌作御刀劍蔡倫爲尚
方令永元九年監作秘劍及諸器械莫不
精工堅密爲後世法

漢書

婁羗劍

出陽關自近者始曰婁羗婁羗國王號去
胡來王

去離胡戎
來附漢也

去陽關千八百里去長

安六千三百里僻在西南不當孔道

穿山
險而

爲道猶今
言穴徑耳

戶四百五十口千七百五十勝

兵者五百人西與且未接隨畜逐水艸不
曰作仰鄯善且未穀山有缺自作兵兵有
弓矛服刀劔甲西北至鄯善迺當道云

漢書

粟特劔

粟特國在蔥嶺之西古之奄蔡一名溫那
沙居于大澤在康居西北去代一萬六千
里先是匈奴殺其王而有其國至王忽倪

已三世矣其國商人先多詣涼土販貨及
克姑臧悉見虜高宗初粟特王遣使請贖
之詔聽焉自後無使朝獻波斯國宿利城
在忸密西古條支國也去代二萬四千二
百二十八里城方十里戶十餘萬河經其
城中南流土地平正出金銀鋌石珊瑚琥
珀車璫瑪瑙多大真珠頗梨琉璃水精瑟
瑟金劉火齊鑛鍬銅錫朱砂水銀綾錦疊

毳毼毼毼赤麀皮及薰陸鬱金蘇合青
木等香胡椒畢撥石密千年棗香附子訶
梨勒無食子鹽綠雌黃等物氣候暑熱家
自藏冰地多沙磧引水溉灌其五穀及鳥
獸等與中夏略同唯無稻及黍稷土出名
馬大驢及駝往往有日行七百里者富室
有數千頭又出白象師子大鳥缺形
如橐駝有兩翼飛而不能高食艸與肉亦

能噉火其王姓波氏名斯坐金羊牀戴金花冠衣錦袍織成帔飾以真珠瑤物其俗丈夫剪髮戴白皮帽貫頭衫兩廂近下開之亦有巾帔緣以織成婦女服大衫披大帔其髮前爲髻後披之飾以金銀花仍貫五色珠落之于膊王於其國內別有小牙十餘所猶中國之離宮也每年四月出游處之十月乃還王即位以後擇諸子內賢

者密書其名封之于庫諸子及大臣皆莫知之也王死衆乃發書視之其封內有名者即立爲王餘子出各就邊任兄弟更不相見也國人號曰鑿噴妃曰防步率王之諸子曰殺野大官有摸胡壇掌國內獄訟泥忽汗掌庫藏開禁地旱掌文書及衆務次有遏羅訶地掌王之內事薛波勃掌四方兵馬其下各有屬官分統其事兵有甲

稍圓排劍弩弓箭戰兼乘象百人隨之其
刑法重罪懸竿上射殺之

魏書

匈奴劍

突厥者蓋匈奴之別種其地東自遼海以
西西至西海萬里南自沙漠以北北至北
海五六十里皆屬焉其俗被髮左衽穹廬
氈帳隨水草遷徙以畜牧射獵爲務賤老
貴壯寡廉耻無禮義猶古之匈奴也其主

初立近侍重臣等輿之以氈隨日轉九回
每一回臣下皆拜拜訖乃扶令乘馬以帛
絞其頸使纔不至絕然後釋而急問之曰
你能作幾年可汗其主旣神情瞽亂不能
詳定多少臣下等隨其所言以驗修短之
數大官有葉護次沒次特勒次俟利發次
吐屯發及餘小官凡二十八等皆世爲之
兵器有弓矢鳴鏑甲稍刀劍其佩飾則兼

有伏突旗纛之上施金狼頭侍衛之士謂
之附離夏言亦狼也蓋本狼生志不忘舊

周書

波斯劍

波斯國大月氏之別種治蘇利城古條支
國也東去長安一萬五千三百里城方十
餘里戶十餘萬王姓波斯氏坐金羊床戴
金花冠衣錦袍織成帔皆飾以珍珠珎物

其俗丈夫翦髮戴白皮帽貫頭衫兩廂近
下開之并有金帔緣以織成女服大衫披
大帔其髮前爲髻後被之飾以金銀華仍
貫五色珠絡之于膊王於其國內別有小
牙十餘所猶中國之離宮也每年四月出
遊處之十月乃還國人號王曰翳贊妃曰
防步率王之諸子曰殺野大官有模胡壇
掌國內獄訟泥忽汗掌庫藏關禁地卑勃

書及衆務次有遏羅訶地掌王之內事薩
波勃堂四方兵馬其下皆有屬官分統其
事兵器有甲稍圓排劍弩弓箭

周書

婆利劍

婆利國在廣州東南海中洲上去廣州二
月日行國界東西五十日行南北二十日
行有一百三十六聚土氣暑熱如中國之
盛夏穀一歲再熟艸木常榮海出文螺紫

貝有石名蚌貝羅初採之柔軟及刻削爲物乾之遂大堅彊其國人披吉貝如帔及爲都纓王乃用斑絲以瓔珞繞身頭著金冠高尺餘形如弁綴以七瑤之飾帶金裝劍偏坐金高坐以銀蹬支足侍女皆爲金花雜瑤之飾或持白毳拂及孔雀扇王出以象駕輿輿以雜香爲之上施羽蓋珠簾其導從吹螺擊鼓王姓憍陳如自古未通

中國問其光及年數不能記焉而言曰淨
王夫人即其國女也天監十六年遣使奉

表

梁書

琉球劍

琉球國居海島之中當建安郡東水行五
日而至土多山洞其王姓歡斯氏名渴刺
毘不知其由來有國代數也彼王人呼之
爲可老羊妻曰多拔茶所居曰波羅檀洞

溼柵三重環以流水樹棘爲藩王所居舍
其大一十六間雕刻禽獸多鬪鏤樹似橘
而葉密條纖如髮然下垂國有四五帥統
諸洞洞有小王徃徃有村村有鳥了帥善
以善戰者爲之自相樹立理一村之事男
女皆以白紵繩纏髮從項後盤繞至額其
男子用鳥羽爲冠裝以珠貝飾以赤毛形
製不同婦人以羅紋白布爲帽其形正方

織鬪鏤皮并雜色紵及雜毛以爲衣製裁不一綴毛垂螺爲飾雜色相間下垂小貝其聲如珮綴鍤施釧懸珠於頸織藤爲笠飾以毛羽有刀稍弓箭劍鉞之屬其處少缺刃皆屬小多以骨角輔助之

齊書

藥水劍

藥水在房州西四十里九室宮亭中此宮大抵基址在巨石之上唯藥水一穴徑二

尺已來乃是土井深三四尺水常數寸不
耗不溢古老相傳云昔有二鵠棲于雙柏
之上時飲此水居人因取飲之有疾皆愈
以淬刀劍銛利倍常因名藥水雙柏夾井
至今猶在魏周之間敕構宮宇以其山有
九處神仙洞室因名九室宮宮北五里有
湯口村昔有溫湯院宇崇麗郡人浴於此
廬陵王在郡之日愛女年幼浴於湯中遇

癘而夭自此湯泉涸竭今爲陵陸矣初女
沒之後密夢於其父云湯下陰闇願置燈
以照之王命樹九幽燈晝夜照灼今並泯
滅無復舊址但號湯口村焉

異苑

扶風劍

扶風縣之西南有三珪村故老相傳云建
村之時有胡僧謂村人曰此地有珪氣而
今人莫得之其啟發將自有時耳村人曰

是何珪也曰此交趾之珪數有三焉故因以三珪名其村蓋識其事開成元年春村中民夜夢一丈夫者黑簪幘被廣袂于體腰佩長劍儀狀峻古謂民曰吾嘗仕東漢當光武時與飛將馬公同征交趾嘗得南人之珪其後馬公遭謗以爲多掠南珪盡載以歸光武怒將命籍其家吾懼且及禍故埋于此地言未訖而寤民即以所夢具

告於鄰伍中是歲仲夏之夕雲月陰晦有
牧豎望見西垣下炯然有光若曳練焉久
而不滅牧豎驚告其父即馳往視之其光
愈甚至明夕亦然于是里人數輩夜尋其
光俯而觀之其光自土而出若焰薪火里
人乃相與植表以識之又明日携鍤直窮
表之下深約丈餘得一金龜長二寸許製
度奇妙代所未識又得瑋劍一長二尺有

四寸又得古鏡一徑尺餘皆塵跡蒙然里人得之遂持以詣縣時縣令沛國劉隨得之發矚其劍澹然若水波色雖利能切玉無以加焉其長二尺四寸者蓋古以八寸爲尺乃古三尺其鏡背文跡繇會有異獸環繞鏡鼻而年代繇邈形理剋缺乃命磨瑩其清若水之潔澈真天下之奇珎也縣令劉君曰此爲古之珍玩宜歸王府可與

天球和璧焜燿於上庠遂緘膠其事聞岐
陽帥願表獻天子時陳君亦節度岐隴得
而愛之因有其寶由是人無知者

宣寧志

火林劍

火林國有山方數百里出神鍊中多瘴毒
不可輕爲采取若中國之君有道神鍊即
自流溢鍊之爲劍必多靈異其劍之光如
電切金玉如泥以朽木磨之則生烟焰以

金石擊之則火光流起

杜陽雜編

謹按炎洲有火林山山中有火光獸大如鼠毛長三四寸或赤或白山可三百里許時夜即見此山林乃是此獸光照狀如火光取其毛緝而以爲布名火浣布疑卽此地也

鐸銷劍

唐德宗時南詔遣尹輔茵等七人獻鐸銷其狀如刀戈殘刃有孔刃達出麗水飾以金所指無不洞夷人珪之月以血祭之俗

謂天降非人鑄也

續博物志

南蠻有毒藥無刃狀如朽鐵中人無血而
死言從天而下入地丈餘祭地方掘入蠻
中呼爲鐸刃

酉陽雜俎

浪劍

南詔又獻浪劍鬱刃鑄時以毒藥并冶取
迎躍如星者凡十年乃成淬以馬血用金
犀飾鑕首傷人立死蓋浪人所鑄故以爲

名王所佩者傳七世矣

續博物志

急就章劔

劔戟鍔鎔劔鐔候此急就章第十八中句

也漢元帝時黃門令史遊所作

古今法書考

西劔

東宮南矛西劔北戟中央鼓亦曰五兵

陸機

西文

劔號齊癆賓

唐曹彥輝爲東川節度使會諸將所以佩
劔號疥癆賔使侍左右曰生歿同之違者
失齒